


Heimili



Áhugi, ábyrgð og áhrif foreldra á skólastarf, auk jákvæðra viðhorfa til náms og skólagöngu, getur skipt sköpum fyrir námsárangur og almenna líðan og velferð nemenda.

Rannsóknir sýna að þegar góð samskipti eru á milli foreldra og skóla hefur það jákvæð áhrif á allt skólastarf. Ávinningur slíks samstarfs skilar sér m.a. í betri líðan barna í skólanum, meiri áhuga og bættum námsárangri, auknu sjálfstrausti nemenda og betri ástundun. Þetta leiðir til jákvæðara viðhorfs foreldra og nemenda til skólans.

Með samstarfi foreldra sín á milli og milli foreldra og skóla má virkja samtakamátt foreldra við uppeldið. Þessi samtakamáttur eykst enn frekar með sérstökum foreldrasáttmála þar sem foreldrar sameinast um uppeldisleg gildi og til sporna við áhættuhegðun. Slíkur sáttmáli er einnig forvörn í sjálfu sér.

Foreldrar hafa ákveðinn rétt og skyldur til að taka þátt í skólastarfinu. Foreldrafélög eru lögbundin í grunnskólum, skv. 9. grein laga nr. 91 frá 2008, og með tilkomu skólaráða er foreldrum tryggð hlutdeild í

stjórnun skólans. Skólaráðin eru samráðsvettvangur skólastjóra og skólasamfélagsins um skólahaldið og starfa þau samkvæmt 8. grein ofangreindra laga auk þess sem gefin hefur verið út sérstök reglugerð, nr. 1157/2008, um skólaráðin.

Viðmið

- Skólinn hefur heilðræna stefnu um markmið og leiðir til samvinnu við heimili nemenda og stefnunni er lýst í skólanámskrá skólans.
- Réttindi og skyldur foreldra og forráðamanna eru sérstaklega skilgreind í skólastarfinu, svo og hlutverk starfsfólks skólans, umsjónar- kennara og stjórnenda varðandi samstarf þessara aðila.
- Skólinn vinnur markvisst að því að virkt og öflugt samstarf við heimili nemenda byggist á gagnkvæmri virðingu, trausti, samábyrgð og öflugri upplýsingamiðlun.
- Við skólann er starfrækt foreldrafélag samkvæmt lögum nr. 91/2008 með ákveðnu skipulagi eins og lýst er í Handbók Heimilis og skóla um starfsemi foreldrafélaga.
- Skólaráð starfar við skólann með virkri þátttöku foreldra, nemenda og grenndarfulltrúa. Skólaráð vinnur eftir gátlista, fundar reglulega á skóla- árinu og miðlar upplýsingum frá þeim fundum til foreldra á heimasíðu skólans og með fréttabréfi.

Gátlisti

Í gátlistanum eru nefnd atriði sem huga þarf að til að viðmiðin náist og stigagjöfin auðveldar skólanum að sjá stöðu sína. Gátlistinn er ekki tæmandi og hver og einn skóli getur bætt við atriðum eftir þörfum og aðstæðum.

Stigagjöf: 1 = Að engu leyti 2 = Að hluta til 3 = Að fullu

Forgangur: 1 = Lítil eða enginn 2 = Miðlungsmikill 3 = Mikill

Heimili	Stigagjöf			Forgangur		
	1	2	3	1	2	3
Stefnu um markmið og leiðir til samvinnu við heimili nemenda er lýst í skólanámskrá skólans.						
Réttindi og skyldur foreldra og forráðamanna eru sérstaklega skilgreind í skólastarfinu og er lýst í námskrá skólans.						
Hlutverk starfsfólks skólans, umsjónarkennara og stjórnenda varðandi samstarf við heimilin eru sérstaklega skilgreind.						
<i>Handbók Heimilis og skóla – landssamtaka foreldra</i> er höfð til hliðsjónar við skipulagningu á samstarfi heimila og skóla.						
Stuðst er við gögn frá <i>Heimili og skóla</i> við markvissa eflingu samstarfs skólans og heimila.						
Foreldrar taka virkan þátt í skólaráði skólans.						
Skólinn stendur fyrir sameiginlegum fræðslufundi á haustin fyrir fulltrúa foreldra sem gegna trúnaðarstörfum í stjórnnum og ráðum skólans.						
Skólaráðsfundir eru haldnir reglulega, t.d. einu sinni í mánuði, og fundargerðir eru birtar á heimasíðu skólans.						
Bekkjjarfulltrúanámskeið eru haldin á hverju hausti.						
Við skólann er starfrækt foreldrafélag sem vinnur samkvæmt lögum og ákveðnu skipulagi, m.a. eins og lýst er í <i>Handbók Heimilis og skóla</i> .						
Skólinn og foreldrafélagið stendur fyrir nokkrum sameiginlegum viðburðum á hverju skólaári þar sem nemendur, kennarar, foreldrar og aðrir aðstandendur taka allir þátt og skemmta sér saman.						
Skólinn hefur frumkvæði að fræðslu- og samráðsfundi á hverri önn fyrir foreldra um samráð um forvarnir í anda Örebro-verkefnisins .						

Verkfærakista – Heimili

Á vefsíðunni www.lydheilsustod.is/heilsueflandiskoli/heimili er skrá yfir efni og verkefni sem skólinn getur nýtt sér. Reglulega er bætt þar við nýju efni og ábendingar eru vel þegnar.

Meðal efnis er:

Handbók Heimilis og skóla

Fræðsluefni fyrir foreldra um forvarnir (Örebro-verkefnið)